

萬泉縣志目錄

卷首輿圖考

縣境

縣治

學宮

公署

學堂

孤山

卷一輿地志

沿革

表附

疆域

城池

鄉鎮寺觀
集會附

公署

倉儲公
所附

山川津梁附

物產

卷二政治志

學宮

學校附

祠祀

壇壝廟
祠附

貢賦

雜稅附

戶口

里甲附

風俗

卷三政治志

職官

宦績

選舉

仕籍附

卷四人物志

鄉賢

仕蹟附

文儒

孝友

義行

卷五人物志

列女

卷六藝文志

文類

卷七藝文志

文類

卷八藝文志

詩類

卷終雜記附

陵墓

坊表

古蹟
八景附
異政

流寓

仙釋

祥異

萬泉縣藝文志卷之七

藝文中 補遺

唐萬泉縣主薛神道碑

張說

或稱達性命者齊生死之域忘憂忤者一修短之數斯蓋無心之倫耳焉足與議於情哉何則雲虹滅彩詞人於是詠謠華秀從風君子為之歎息豈不以對仙麗之景懷變化而遺戀在昭業之節悼零落而偏憤吾見豆盧氏之子於其伉儷有焉縣主諱字姓薛氏河東汾陰人大父駙馬都尉奉宸將軍諱瓘尚陽城公主考駙馬都尉散騎常侍

諱紹尚鎮國太平公主其在昔也夏有居正先封周有薛
侯爭長其在今也五宗姻於帝室重葉母於王姬河水經
天上積星辰之氣霍山震地下多珠玉之林縣主幼而敏
惠長而恂淑貞孝義烈之傳吉凶賓祭之儀一聞成誦紘
紘糾組之制清毛醢羞之品一見懸解至乃鶴迴清泛蠶
聚崩雲月韻玖砧花穠綵樹婦人能事咸臻妙焉大聖天
后鍊石補天有王母之神器分茅列地啟弄孫之美邑封
由有禮義引而親天授三年四月內封萬泉縣主天愛下
流日親上簡乘龍之舉和鳳為難絡八紘以選門奄千官

而求俊夫以龍圖帝寶祈步搖之華源虎戟侯門襲燕代之雄胃人之信美帝用嘉焉以萬歲登封元年仲春既望歸於豆盧氏六宮送行百僚供事迺以鑾輅遺以翟車環珮冕旒璆然在馭黼藻朱黛爛其盈門詔昏之禮於斯為盛爾乃移其愛敬以事舅姑伸其友恭以諧公族舉宗洽比如鼓琴瑟每至婚姻會同少長咸集珩璜節步金翠耀首有婉孌之心無驕矜之色希盼睐者若遲日之泛漣漪瞻詞氣者猶光風之轉蘅薄加以引納懷和饋分周賑疏屬自附窮歸忘寃故蘭行彰信於閨門而蕙風滿盈於邦

國諒惟琬琰之性自美抑亦劬勞之訓致焉中宗孝和皇
帝雲迴南土龍見東京二儀更闢九族還叙望我兄兮公
主贊陶鈞之力曰吾甥也縣主開井邑之賦神道元年春
加實封三百戶縣主既通濟門闢奉御又尚司殿省天子
巡遊宮觀觸樂池臺我有周親無時不從主家外幸比齊
后而聯恩子壻中參與趙王而均禮或醉飽踰度寒燠未
平何嘗不御藥在門王人接路當時厚澤莫之尚也景龍
四年二月以奉御出為丹延二州刺史保傅下堂隨朱幡
而同去輜輶入郡與阜蓋而齊飛辭宮闕兮歲闌戀庭闈

兮日遠肥泉永歎邪氣攻衷楚祝招而不來秦醫來而不
及景雲元年八月二十一日傾逝於延州之解舍春秋二
十有四美玉褫顏明珠昧色平陽舊宇遂無望於歸甯懷
縣新文空流連於永逝有子三人西華南容東里等或亂
或岐呱呱而泣天何以罰神其忍之冬十有二月五日歸
葬於長安之洪瀆原窆窆營護有命加等器服祖遺率由
舊章生之也榮葬之也禮若夫柔嘉好合善之元也肅雍
降賁謙之道也山河其德容澤廣也熊羆其祥祚胤大也
總衆美於修姱落驕暉於小年此所以哀中之又哀也昔

哀亡馬氏蔡筆斯奮鄭喪曹姬潘文亦作矧茲內範事華
無愧砥望夫之石以表靈邱緝幼婦之辭將傳終古銘曰
薛之皇祖胄軒國禹相陰侯周氏其土宇英英白雲鬱彼
河汾公門蕃衍銘鼎氛氲則仁則義則戚則勲餘慶介祉
誕靈女士中宗之甥鎮國之子皎若霜雪穠如桃李舜族
爰叙堯封咸秩萬泉開賦三百其室守盛以儉居滿不溢
亦既鳴雁宜爾家人謙恭下下撫納親親傾財致客對饁
如賓我有師第前臨黃道我有池塘卻望青草漢輦停暮
秦簫吹早歲月易忘歡娛難保良人出守將命北徂與子

儒往歆別東都望學鴈絕辭家淚結露萎莖草霜酸泉離
魂兮何歸京兆之野葬於何處社陵之下巖巖雙闕列列
行櫨勒是徽音永觀來者

至聖文宣王廟記

趙

瞻見官續

孔子氏歿道不能一百家以術相軋九官家法本政于儒
而猶各抗為敵至班固乃能志其為六經之流裔而因原
其出凡孔氏所治經其道與其說則君君臣臣父子上下
為國家民人以之治不之亂為身及親族朋友以之正不
之邪其要最明白至公卿士罔不同宗之者後世未幾猶

分而馳至孟軻荀况振孔氏道軻况歿合而復離漢唐國
為最盛然知尊孔氏者學官進士而已蓋師儒在立章句
而文辭在通古今故振先聖主己學爾若歷世之盛將大
有為于教化禮樂者則必下詔建置學校且郡縣立孔子
廟著之令甲而尚有不如詔者舉進士者亂之也彼嘗傲
然稱曰孔子予師也予能尊之其以予任經舉兵吏曹勉
之仕者亦自曰非予所尊廢不予責也甚矣時進士妄以
荒塞先聖之教固亂之也貴游國子其教出于大司徒屬
官軍政戰事其術出於大司馬屬官皆具經禮焉六經則

儒所治矣府史胥徒則周三百六十官莫不有屬治之矣
今論者猶以為經非其師學豈知道者之說哉予到官即
奠於廟傷前後今不能治蓋聞多所惑非其師者故歟即
持所白諜走上之府且請即令署東南地以易故廟之僻
陋府教如請因大徹縣之淫祠遷廣是廟又即右墻為尉
吏營宇無慮通百楹序廡齋次前後肅潔若予因治尉吏
營宇豈嫌其兵武事為非儒所學邪既考厥新有以石願
記者遂為記其教之同異庶益得以不壞至和元年夏六
月丁巳守令趙瞻撰

東嶽廟碑記

漢薛村

鄉貢進士解

梅

茲鎮海瀆見於祀典其來尚已書曰柴望秩於山川記曰諸侯祭境內山川為能出氣為雲雨利澤被生民所以用灌燎牲幣立尸而祀之據太山魯望也在唐封為天齊王至宋朝以東方主生加仁聖二字封帝起建廟貌儼然人形垂旒端冕而坐又立后殿於其後乃所以致崇極之意然失其義矣昔者回祿劉太尉欲再造南嶽廟問於五峯胡公公曰天道人事本一理在天為皇天上帝在人為君為大君五嶽視三公與皇天上帝並為帝則天道亂矣大

君有二則人道亂矣而世俗為顰像為立配為置男女室而貯之褻瀆神祇之甚張南軒亦嘗有曰川流山峙是其形也而人之也何居氣脉流通所以相接而宇之也何居二公皆正大之論甚發愚蒙破聾瞽是以備載之萬泉漢薛村西北隅地勢爽塏樹陰喬密岱嶽行祠生得其穴故數有靈響焉來歷緬邈不知所自中有大殿後缺路寢傍列兩廡前算三門肇造規模具見大定紀事之碑此不復贅冗辭里人張福成金朝仕豎遥遥之華裔繼其志補其闕聚衆合謀鳩材命工協力助役者輻湊而至增修殿五

筵七轉飛欄奮翼蓋瓦鋪鱗柱如林立斗似山拱費錢弗
啻五千緡畢功適值三十載經始於延祐甲寅之春落成
於至正癸未之夏欲刻貞珉作不朽之垂示將來走百里
丐余文固辭弗獲已而書

重修岱宗祠碑

年至元十八

平陽路提舉學校官段成己

方有嶽舊矣考之傳記不一書而足也五方風土之異古之聖人各以其山之峻極者為一方之鎮而名嶽岱為嶽之宗國家有事於山川則先焉天下既平則封焉非僭也宜也五嶽祀秩畧同而岱宗之祠獨周徧於天下者以居平秩之方主長養之事故也河中萬泉縣距縣治西北十五里有岱祠存焉地空曠元爽南北袤百二十舉武其廣五十居綿稷兩山之間我眉之脊故制瑰偉宏麗神足以宇正室七架後以甬道通路寢屋覆其上寢眠正室而卑兩

偏各為室三架以妥陰靈廡東西二十八楹面正室樂亭
三架應門皋門如古封君之制其內外等夷有差門右西
南隅樂房八間周前後以間架計凡六十有四其椽栳之
數各眡其屋大小為稱東南隅三清殿三間舊有道宮以
守廟者也以積習之弊久黜而不用廟艱於水鑿井於殿
之左得養而不窮之利歲時之會使人不闕井飲庭有唐
石刊言漢漫無稽而建立之因故歲月皆畧而不書夷考
其時代則知廟起在有唐之前而始基之跡不可得明也
其主張祠事而不至失墜者自古以來四村而已他不與